

# 移英一年多未成功求職 匿名求助惹嘲諷

# BNOer 呻搵工難

移英港人困境

香港文匯報訊 經英國國民(海外)護照簽證(BNO Visa)移英的港人(俗稱BNOer)，希望在英國找到合適的工作並非易事，更有人求職求醫都困難重重，受生計所困。社媒上一個移英港人群組近日有成員匿名發帖，訴苦自己移英一年多都未能順利求職，如今因患病需要服食的精神科藥物短缺，慨嘆「好辛苦！」帖文引來大批網民討論，多數過來人只得建議求助者從事最基礎的工作，更有人坦言自己求職碰壁，早已回流香港。

香港文匯報訊 經英國國民(海外)護照簽證(BNO Visa)移英的港人(俗稱BNOer)



◆有移英港人在YouTube教路如何搵工。網上圖片



◆YouTube網紅EE fishing分享做亞馬遜廠工情況。網上圖片

該名求助者本月初發帖稱，「嚟咗英國一年幾，仲未搵到工，之前嚟香港一直睇開精神科，嚟到呢度無藥食，好辛苦……不知大家知不知邊度有得睇精神科？」求助者還請求推薦平價治療方式：「最好不好太貴，因本人無收入，感謝大家。」帖文很快引來群組熱議，大多數人建議求助者先向家庭醫生(GP)求助。網民「Toby Toby」稱，「請醫生開藥，如有食開的藥資料記得帶畀GP醫生，會按情況轉介。」網民「Janice Jonathan Tsang」表示，精神科藥費約為10英鎊(約99.2港元)，「唔清楚你嘅工作情況，但如有車牌可以做住送貨先，侍應收銀果啲都多請人。在新地方生活，好好照顧自己啊……」



◆有移英港人拍片，分享做送貨工心得。網上圖片



◆YouTuber Jason Film分享做廚房工經歷。網上圖片

## 搬運工 vs 廚房工「行行出狀元」掀罵戰

香港文匯報訊 部分移英港人在英國無法從事原本職位，加上不諳英語，只能從基層工種入手，當中多數工作時薪僅有10.42英鎊(約103港元)的英國最低工資，部分「黑工」薪酬甚至更低。但一些移英港人似乎不願接受鬱鬱不得志的事實，一條「貨倉搬運工自詡勝過廚房工」的帖文，便引來一場基層工種之間的罵戰。

網民「Su Sam」去年11月在移英港人群組發帖稱，「不經不覺已經做了半年貨倉，不需要識英文，雖然也不輕鬆，但比起餐飲業廚房工就輕鬆很多，薪酬也高很多。做餐飲業廚房工作的朋友，快一點轉其他行業，就會發覺其他行業遠比廚房工作輕鬆，薪酬也高。」網民「To Ken」好奇地問工作報酬，Su Sam表示，「做倉高過最低工資，做廚房低過最低工資，而且廚房一個人做1.5人至2人工作量。」

網民「Jus Dum Tin」似乎對帖文頗為不滿，「行行出狀元，做廚房好失禮？」網民「Gold Mountain」也附和，「我覺得樓主有啲奇怪，啲POST(帖文)係咁唱衰餐飲，唔知想散播啲乜。」有親身經歷的網民「Wing Liu」直言，「我無話出唔到狀元，不過英國做廚房係辛苦！我以前做樓面成日廚房佬嘅！」

### 「餐飲業要識人先入到去做」

也有網民趁機晒做過「超過最低工資」的「筍工」，網民「Yve Chan」稱，「我本身嚟香港有做過零售餐飲，(在英國)我in(應聘)過TK maxx、Uniqlo、Morrisons、M&S，感覺餐飲業要識人先入到去做，有經驗嘅話。在Uniqlo返工有(時薪)12.4鎊(約123港元)，格過價，普通零售界最高。」網民「Ch Day Yeung」最後直言，「狀咩元，出到幾多個？好多人唔接受現實，硬要對自己期望過大，仲要美化件事。如果我有估錯，呢啲人多數生活困苦之中而且鬱鬱不得志，狀咩元！」

## 嫌三嫌四狂轉工 有人抱怨「影衰晒」

香港文匯報訊 部分移英港人即使找到工作，也只能從事技術含量較低的工種。一名自稱移英的50多歲教師去年在港人移英群組發帖聲稱，自己為「打發時間」在英從事多種基層工作，每次不超過兩個月便辭職。多名移英港人卻質疑他的說法，更認為他屢屢辭職的做法會影響港人在英形象。

這名匿名「樓主」聲稱，自己冇錢得閒，想找一些「唔使點用腦工」。他最初在肯特郡一間院舍應徵員工，結果還未過試用期便以「性格不合」辭工。其後他轉職倫敦一間連鎖泰國菜食肆做廚房雜工，時薪不到英國最低工資的9.6英鎊(約95港元)，「餐廳收工時間好晏，成11點幾，搭車返要一個鐘。我做咗兩個星期就有做。」樓主再稱他又在倫敦找到一份司機工作，時薪約11.5英鎊(約114港元)，然而公司負責運

輸貴重貨品，大型貨車需要持英國駕照5年的司機才能駕駛，他被「降級」駕駛小型貨車，不出兩個月便匆匆辭職。最終他進入一間食肆打雜，自稱食肆內環境狹窄、系統混亂，但時薪有13英鎊(約129港元)，「我唔啱老鬼都搵到工，想同搵緊工嘅香港人共勉。」

### 「英僱主擔心香港人做唔長」

帖文引來不少移英港人不滿，網民「Chh Lau」抱怨，「唔怪得我見咁多份工都冇人請啦，我問過Agent(中介)，佢哋話Employer(僱主)擔心HK人做唔長。」網民「Chan Sn」也批評，「明知自己唔係做體力勞動果批，做唔嚟就咪見工啦！」

網民「Hideko-chan Leung」挺身為英國僱主「發聲」：「請你嘅僱主係聘用長工並非part time employee(兼職)，你咁樣做真係要帶畀英國僱主好多麻煩嘍。作為BNO移英新移民，你咁樣做，會帶畀英國人一個壞印象。謹記：一粒老鼠屎就會壞了整缸米。拜託不要這樣啦！」

## 英背景審查嚴格 良民證成求職「障礙」

香港文匯報訊 許多移英港人尤其黑暴分子，無法取得「無犯罪紀錄證明書」(俗稱「良民證」)，想要在英國求職，往往無法通過適配工作的嚴格背景審查。有移英港人在社媒提到，在學校申請教職需要多個證明文件，包括無犯罪紀錄證明書，缺少任何一份都無法順利入職。

網民「Pete Cheng」在移英港人群組轉帖文稱，在英國從事醫療和教育等工作，一般都要無犯罪紀錄。移英港人申請教職，需要英國的無犯罪紀錄證明(DBS)，價格依照不同需求分別為18英鎊(約178港元)或38英鎊(約377港元)，以及由香港警務處簽發的良民證。

### 「試吓搵有地位人士證明你無犯罪」

有移英港人試圖分享暫時無需香港良民證的求職方法，「可以向學校反映情況，睇下可唔可以私底下解決問題，但一般係唔准咁做。或者可以試吓搵一位在香港有社會地位人士出信證明你無犯罪，但要搵到呢個人肯幫你證明其實都好難！」

還有帖文聲稱，「英國僱主一般會查5年無犯罪紀錄，即係5年後就可以唔使申請香港的良民證。因此呢5年可能要搵無需良民證的工作做住先。英國入職審查好煩，加上申請良民證，煩上煩！」

◆網民Ele T在YouTube分享南安普敦「好唔好住」。網上圖片



## 陷無工開難租樓「兩難循環」

香港文匯報訊 部分移英港人在英國搵工困難，想要租樓也寸步難行。一名網名「太唔是何」的移英港人自述稱，他在移英前訂好一個月內便能找到合適租盤，不料實際情況是「無工開」便幾乎「無資格預約睇樓」，他最終要靠一筆過繳納全年租金，才算找到住所。

### 「搵屋需填工資 搵工需填住址」

「太唔是何」自稱，自己最初還設想諸多租樓條件，不料開始租樓才發現「有時有啲嘢係你揀人，而係人揀你」。他提到在網上填寫租客個人資料，因沒有工作只能留空，「但係原來漏空佢，係『提交』唔到個預約表格嘍！即係點？即係如果你無份工嘅話，你連『預約睇樓』嘅資格都無！」由於英國不少工作需要求職者有固定住所才能聘用，他感嘆租樓搵工陷入兩難，「搵屋又要我填工資，但搵工又要我填英國住址」。

該名網民又想到透過信用評分機構，證明自己有合資格的信用評分租樓，「然而開立賬戶其中一項就係填住址，佢會問你住幾耐，住咗一個月都無？咁你之前住邊？住香港？對唔住個機構唔會再畀你撤去。」

「太唔是何」稱，自己只能告訴地產經紀人，他可以一次過預繳全年租金，趕在訂好的民宿期限屆滿前找到租盤，至於該如何就業，又要費盡心思，「搵唔到樓租對剛剛到步嘅人嚟講真係好沮喪，一定要努力搵才會搵到，當然要為情況諗定後備方案。」

### 「基礎工作也不易找到」

陸續有回應建議求助者找基礎工作，然而有親歷者坦言，在英國從事基礎工作也並非有求必應。網民「Terry Kwok」貼出當地超市Sainsbury的招募新聞，不過網民「Jason Hayes」很快指出，「有精神病做唔到的，個test(入職測試)長到量。」該網民補充，「你根本過唔到佢個aptitude test(態度傾向測試)，畀你過到又如何？唔通佢會話因為你個病唔請你，等你告佢，佢有一百個藉口唔請你。」

網民「Heson Tang」稱，在英國看精神科醫生也並非易事，「我都係精神科，等咗年幾都未refer(轉介)到，完全唔明點解有人會覺得呢啲一定係唱衰英國，唔啱南部嘅等二三年都好正常。」網民「Woody Leung」贊成稱，「英國GP以病輕重安排，正常。沒有(重病)可能一年多都安排不到專科診斷！」

### 「搵唔到工已回流」

也有部分網友冷嘲熱諷，堅稱匿名發帖是刻意造假。網民「Kayen Yu」不禁感嘆，「睇到啲comment(回覆)先發覺原來有咁多冷血嘅香港人，覺得好悲哀。講真如果我自己需要睇精神科我都唔希望俾人知，係好合理嘅嘍！」然而網民「Natalie Lee」隨即冷漠回覆，「英國點解要接收精神病移民……始終對社會有風險同負擔。」

最終已經回流香港的網民「Chi Wing Yip」直言，部分回覆聲稱容易搵工並非事實，「我嚟英國搵唔到工，22年10月已回流香港！」「Natalie Lee」追問，「點解會搵唔到工？」Chi Wing Yip僅表示「我都好想知道！」